

太乙舟詩集

太乙舟詩集卷四

新城陳石士甫著

三男
從姪孫夢

雨中劉明東布衣招集綠天書屋對酌

蕉影沿階苔影接瀟瀟雨響生秋葉千秋牙曠百年心對
酌還爲主客吟吾師經學今誰嗣望汝樅陽重立幟題襟
草草足相思愁絕明朝解纜時

東坡生日法梧門侍講過訪因邀仝楊蓉裳農部張

船山吳山尊兩前輩暨從子希祖希曾小集太乙

舟爲東坡壽山尊未來船山以所摹宋本東坡象
見示用光欲船山爲更摹一幅並摹山谷像見惠

遂作長句一首乞之

梧門丈人昨書至云於翌日來相訪索居正苦意少悰積
雪竭喜晴始放寒威稍斂薑芽舒朝旭初升藻井漾宿昔
豪翰枉過從此日招邀足吟唱儋州老翁誕降辰七百年
來遙相望懸弧慶尙沿人間騎箕位自留天上後人孰在
傳衣責我輩未肯當仁讓禮神脯果設虛堂留客盞盤供
法釀乍惜吳鉤軒未過却許楊憑手許抗張融入門興更
豪素幘一幅持相向云從北宋流傳本摹得東坡真實相
長帽應傳椰子製豐髭不襲畫史妄憂國心勞面略癯著
書才大神猶王百年文史盛風流千載岷峨自薈壯珊瑚

敢誇小阮收

時希魯初旋中學使

蜀材早接詩壇將卽從繪事見

襟懷想得風神共蕭曠暉暉凍日漸移階艷艷寒花欲採

帳深杯泛波乍卷白宿爐升鉢如濯絳今年三雅快題襟

酒龍詩虎互跌宕昔從叔庠拜山谷猶記均堂留淺漲山尊

以山谷生日作詩會時夏雨未霽水上留堂均

海立初歌河伯驚玉戲又賦天公

貺若教坡谷今猶生定許宋人師郢匠從來絕業貴專精

平生古處敦夙尚各有鄉思記辦香肯辭粉堊爲依傍絹

素如從兩幅酬濁酒猶能百壺餉作詩聊記今日歡緩頰

更煩丈人行

覃溪師招作東坡生日出所藏宋乘施顧注本詩集

天際烏雲帖及吳荷屋前輩所得茶錄舊拓本傳

觀賦長古一篇

東坡詠茶屢見詩墨妙獨數嵩陽帖黃州生日禽王郎伴
詩亦寄建溪葉人間韻事有因緣天上星芒照萸萸七百
餘年設弧辰千萬卷中古香篋蔡錄來從侍御家蘓齋舊
動吾師類名香藝辦氣細縕琴几陳書位妥貼照幔仍餘
紅日暹掃空已謝烏雲躡宋槧書披嘉泰編畫像笛看李
姿壓置身恍在元豐年從遊勝曳岐亭屨吾師遊跡徧東
南獨恨未泛西湖楫侍御星輶代補之闕茶倘許風流接
岑苔勝集到鯁生貞石珍藏誇目涉髯翁雲際如報嘉筆

花入夢光搖曉

楊成甫招飲歸後腹瀉一日時連日有招飲者皆辭
之獨就荔峯昨葉書屋餞椒石之局得詩一首

蹴蔬不待藏神訴當筵已走清齋路一笑何曾謝主人玉
贈金盞難下箸歸來伏枕不出門明日清齋仍作賓爲唱

驪駒餞安石笙歌隊裡自抽身

時崎峰
招觀劇

丙寅十二月十九日小峴先生邀作東坡生日因得
觀其八世祖舜峰先生會試硃卷及凱還圖畫像
丁卯元旦夜作七古一首

江陵取士三百卷舜峯先生卷尙存紙潢匣貯謹護視二

百餘年八世孫我讀其文論其世作者守者質不文論策
侃侃無忌諱古今鑿鑿窮流源豈獨制藝守清樸不似天
啟多厯言後來撫贛並撫楚不負所學名終騫乃因文忠
集羣謗裔孫能自當時寬我與裔孫論文字如水合味花
同根驗之於政知一二心符厥貌清且溫昨冬招我祭五
局酒闌覲縷陳見聞因觀此卷及畫像豐頤秀目頤而敦
是時奏凱掃妖孽荆頭續續陽明勲皂袍謁帥審明制往
傳先生論明人皂袍之制引明儒赤日照旗浮墨痕尚有
學案一條爲據今觀此圖益信一圖惜未見譚兵虎帳靜不喧京兆云先生功名如此文
尚有譚兵圖

若彼誰能襲取心聲真固知盛德被累世門第奕奕馨湖

濱裔孫文行益恢肆雖不得第官同尊彼得第者苟速朽
較公何啻隔兩塵才人千古共精魄小大雖殊才則均厄
言壽蘓誇韻事髯翁肯駐雲中輪質公質蘓可一貫我作
此詩香兩焚隔年書索裔孫笑元旦之夜丁卯春脫稿豈
徒誌私淑兼示後此衡文臣不見張周兩評跋較量銖黍
殊精勤我輩異代同簪紳如公才者誰能掄

霽青編修招同朱蘭友陶雲汀胡墨莊劉芙初周小
蓮城西訪菊作七古一首

入夢秋英留不得
竭喜主人話
主客小隔紅塵有
佛緣
縹架安盆僧舊識
火雲六月初燒空
伊蒲饌飽僧房中
尋秋

太乙舟詩集

卷四

四

乍對黃叔度消暑記約王安石

王指堂前輩夏時邀同遊三官廟

官局蕭

閒鬚鬢白剩有吟懷數晨夕展重陽節當登高鴻爪留題

衆香國

重九日楊蓉裳農部招全法梧門李墨莊兩前輩蒸

沆霞儀部彭田橋吳蘭雪兩同年家玉方集陶然

亭登高分韻得田字

城郭一碧含秋煙楓葉點入霜林妍買秋欲豁登高眼驅
車逕出城南田一車葦間爲延絲數車銜尾行蜿蜒涼風
十頃孤亭前蘆花蕩蕩平如川千搖萬兀出浦溆恰似泛
我九月江南船孤亭突兀撐秋天須臾拾級登其巔樓閣

金碧相新鮮造次直欲凌星躔却思適向車中坐正似萬
頃波茫然仰視此亭岌孤踞又如金山焦山江中穩平生
遊跡天所便每到佳處心流連長安閉門過一載覓句但
可看星椽佳招忽喜得野趣老輩促坐交忘年空中語笑
風吹去下果得不疑神仙封不必就酒泉書不必著太玄
持螯把菊作才語觀空自得詩中禪却愁此樂天所吝請
看急雨來無邊已覺衣袂濕稍稍旋驚簷溜鳴濺濺上車
一揖政可袖詩去明日交馳十萬蠻江箋

浴佛日大雪小山前輩招作消寒會荔峯兄云明晨
當約許吉菴攜壺遊蒹葭閣望西山雪後銀裝世

界此殊似東坡記永天夜游語欲偕遊而未果成
長句一首呈荔峰兄訊果遊否並呈望之小山兩
前輩芝齡少農某堂同年正和

崑崙元圃神仙區瓊林瑤樹風景殊黃庭存想神游無鳳
城雪霽西南隅凸碧凹白羣玉鋪此景何必非清都有閣
屹立如浮屠登之萬象來須臾何人挈搯復攜壺一窺幽
興償詩邁元方未語心已趨座客諧笑時當餉空中雪花
紛交挈頗似香雨飄文殊預計來日語非誣我亦距躍思
與俱閣中鮑照仙藐姑顧雍亦是烟霞徒
謂雙五前輩
晴某同年遺
壘在壁人則徂悵然如對黃公壚人生何者非還廬秋水

雖得蕪葭枯清景一失難追慕我未能往胡爲乎君其踐
約徑車驅遠煙高樹詩作圖消寒示我文字娛

王子卿

澤

同年招爲第三集予不果往

胥跡江上夢京國題袂深憐朋好隔還朝佳日得招携惆

悵何爲見顏色秋氣入戶秋人悲中年骨肉傷乖離

時有喪女

之未能作達竟遣此啣杯乍覺杯難持諸君才氣橫無敵
失父強韻逞筆力我緣才拙且堅辭挑戰從君誚巾幗強
顏一語聊枝梧諸君能不皆軒渠君不見君家漁洋有成
例精華有錄和韻無

東坡先生生日設祀於蝶寄小舫邀朱學博存仁楊

孝廉殿春同賦爲壽

神仙中人下大荒玉衡魁柄垂光芒精神到處不磨滅知
公千載遇相望畫史紛紛圖公貌皆圖其老非圖少想見
當年應舉時長身玉立特孤照平生四海一子由題詩贈
別來潁州至性沍露光日月不獨志節垂千秋我向淮陽
三載住恰是先生別第處文章知己得家庭幾同把卷生
遙慕我有弱弟纔十齡設弧乃亦當斯辰要期他日能論
世敢以下士儕天人明年我作長安客仲兄偕行第贈第
墳簞不作羈旅愁此樂知公羨難得身官磨蝎誰主持賦
命偶值難自知名隨謗集古今患平生我亦少年時制科

無人能領袖公更早年三接畫荒詞敢付帳下兒聊作
果薦蓮豆天門詆蕩耀九州平生進退幾熟籌歐陽永叔
今誰是可放門生出一頭

六月二十一日邀同人集太乙舟爲歐陽文忠公作
生日梧門先生以集中寄許微人絕句分韻用光
得聲字

慶歷嘉祐生先生史才不數宋子京孰使唐書竟分纂坐
令後世叢譏評從來任官必稱職夷禮夔樂專則精公副
樞密位亦顯史職盍不董厥成晚述五代沒乃上猶藏秘
閣邀殊榮若使兩書并一手繼漚軼范應蜚聲吳鎮糾謬

吾不取覲縷瑣碎遺菁英遷固謬誤政不免曷當遽替千秋名原父博聞若秉筆吾恐難與公絜能文章筆極有諸力甯可詳核驕縱橫生公同鄉讀公集手舐口沫心胆磨生日設祭邀同志辦香聊以抒精誠頌揚詩文并勲業於公無當情不傾釋公本傳一論世狂論忽作飢腸鳴魏公生平公知己此事委任猶未平責備賢者吾則敢不與宋主恢其稱夜闌更讀史館狀爽然自失兩目瞋諫垣存稿不可見公與韓范誰代興

喜筠潭四兄親家擢粵西廉訪邀覺生前輩晴芬蘭雪兩同年蘭卿侍讀小集奉餞翌日集荔峰齋中

月午始散庚申同年復屬余假館再餞作長句一

首贈別

先期約君來剪燭喜君到

筠潭將至時余約鮑船拍浮雨
蘭卿先訂爲此集

聲中玉蟲漾碧銅荷笑雨夕衝泥容不辭明宵秋月揚清
輝高簾倒影作荇藻如繪水墨交霜枝一集再集情未足
盍簪假館來朝續同抱班荆話別心矧君於我誼尤篤潞
河剖魚魚撒波丁沽繫雁雲如羅浹旬一書走急遞積歲
俄成束笋多一朝鼓櫂離江去大武遠涉愁無路傳來青
鳥信原通寄到梅花春恐暮人生鴻爪話中年宦局欣君
已鳳簪消除折柳分袂感賴有甘棠聽訟篇褰帷問俗平

生志經術由來飾吏事聞幽會雪戴盆寬挾災能布監河
惠昨宵一雨君意酬麥可播種民無憂畿輔庶幾元氣復
君可決意爲遠遊塲嶠興歌行滿耳封圻重任斯其始不
忘先公種德心望君努力求政理我能泚筆垂諸史再世
交情爲君喜

小松復以詩求再效其體詞之

小松淡蕩人夏則靜於裸

見道德編

飢驅筆耕校文字乃笑

車中閑置作使新婦我火雲燒空氣鬱蒸儲茶儲酒皆如
冰邊韶畫寢寢斯興飲茶七碗酒一升白鳥來噉揮以肱
哦詩且頌離支之贈何其來相仍吁嗟乎離支豈是吾家

紫郵致已馳六百里明年下南之遊恐復須秋中離玄經
時詩徒工先生奈何錦綉胸

戲呈幕中諸友并索門人放卿硯雲同作

蔣濟不可射陳遵時中之拍浮心事認亭勝誤以酒溪爲

酒谿

自建州至邵武途中有酒溪塘

小松曾作伊涼客可向酒泉恣遊歷

十餘年夢轉風輪復向閩南覓歡伯璞亭風航皆大戶通

介異趣同酒趣汪倫戒殺多深情漢書下酒兼佛經就中

薛莘擅攷據許祭酒書能作注得毋美醞借官衙因之尚

友發遐慕我與尤杜同東坡三蕉以往不能多倪羅二子

亦我輩作詩勸飲當如何

查植客招遊虎阜題其所藏倪雲林湯玉茗詩詞稿

本

我似倪迂有迂癖江鄉宅近臨川宅詩社誰尋主客圖詞
壇夢謁文章伯客中遊屐到金閨藁本傳觀倪與湯礦金
璞玉入珍賞非真好古誰收藏獅子林中好泉石雲影天
光動虛壁烟霞結構見詩懷展卷猶疑對顏色十年清夢
著林霏過客重來舊侶稀一事媿君不能畚玉茗未訪庭
前枝雨餘月出波定影天爲吾曹闢詩境玉簫金管倚重
遊招兩詩魂來共領

題趙忠毅公自書詩卷爲李心菴農部作

疏陳四害時相怒選郎身且病歸去再起再黜行在
書遣戍天夢夢名重東林能講學謫降身原天上宦學爲
有用詩多悲作此詩是初歸時身不求官髮從白所志何
事肯好色林鶯求友渺愁余見泉無子心煩紆悲來痛飲
合懽下眼中泄泄何爲者丞相祠堂何處尋世無管樂憂
思深味藁齋荒換人世讀詩誰舞鏤如意孤忠劫運不能
消流傳尙有千餘字

蔣秋吟爲消寒第二集其第一集在黃左田宮庶齋
中余未及往也秋吟屬題其所藏杭鴈諸公詩札

各幘

東橋先生盛儒雅往與杭厲相唱酬片紙隻字皆藏弄想
見風義追羊求哲嗣演治日相對不獨遺書能校讐我如
索靖卧碑下張眼對壁吟不休其餘鉅冊復三四我又欲
如賈胡留焚膏繼晷數晝夜快瞳盡讀飽饒喉我藏本師
舊手札重之不數琳與球或論經術或選學如接賈馬依
匡劉震川尺牘十一耳豈無弟子爲旁蒐文人緒論有衣
被如遇竇子施珍裘專門家法先友緒我意君意皆千秋
酒閑靜對墨潯浮上車歸卧太乙舟各有虹彩明斗牛

題安甸同年易學象數易知冊

平生不著臆顏恰但師晦翁稱康成圖書豈不勝識緯胡

爲讓擊來後生河東夫子學純粹敬齋整若明並稱學似
三子亦足矣趙商張逸安足衡三子皆闡圖書秘以學以
誨明且清近儒江氏稱博綜攷核象數言殊精黨同伐異
氓厥見義理攷證斯兼能吾友安旬舉進士不就注選歸
窮經獨以心力闢與突非漢非宋辭鏗鏗吾患聞學近茲
古得君真得西南朋欲窮其說媿未逮寫爲副本思服膺
多聞闕疑有聖訓慎言其餘斯可憑願附評友猷芹曝傳
閩樸學稱蔚興

題史孝子事冊

復於社陽湖俗孝子不能升屋號慘慘歸途殉以哭孝子

身不欲與親離孝子心不欲使親知不見侍疾衣不解帶
時一誠自致乃爾爲忍以滅性迂詞深責之兒名印曾母
謝氏元時年才二十二漂陽望族有此子可使紉袴兒曹
穎有泚兒讀儒書父司馬歐香館畔僑居者從今指點白
雲溪有至性人主風雅

題李忠毅公詩翰冊

我昔嘗見忠武札提兵論救淮陰軍所與書乃李忠定與
公一心成厥勲忠毅生世勝忠武時值昇平主聖主

所惜同心無大府其身旣摧方滅虜零蒿斷楮幾章詩想
見樓船誓志時雙燈導後鏡歌奏毅魄終酬國士知事見

元跋

題煦齋師瀛洲容臺二集

明光宮中一枝筆彩絢雲霞光捧日生本金精應運人
從玉笈探奇出瀛洲初入聲望清容臺繼領階資榮殊
會奉呈詩詔題集還標御覽名如此聲華追雅頌便

合衙官呼屈宋誰知一片愛才心每逢佳士能矜重前年

賤子趨棘闈公領儀曹作主司姓名纔向從頭認

集中題榜詩云

好爲從頭認姓名

見面偏邀逾分期去年賤子提南宮花磚趨步

柯亭東已喜門生列後輩重教絳帳披春風

師時奉教習吉士之命

擘錦燒蘭暮復朝筆花墨雨中飄詩無佳格賞羞獻賦

有妍詞必共標磨盤山影接天翠昔遊曾策看山轡讀到
皇華奉使詩回頭彌覺煙雲麗石頭城畔謝公墩訪古曾
攜酒一樽新詞昨歲題黃絹舊夢他年憶白門山水因緣
師爺接抄來佳句吟懷恹一從行卷認鴻泥悔不去年重
負笈兩載詞垣侍履綦敢誇殘錦得傳衣何當賤子還鄉
日復值先生 扈蹕時離心不隔風帆影遙寄相思江路
永小詩題罷語從遊留作來年請益請

譚子受妹倩
將從往熱河

天冠山詩畫合卷

足未踏錄丹井心已到學堂巖天上豈有癡仙人妙諦今
向蘇齋拈濛濛嵐翠着衣重故鄉山色入我夢開卷何必

遊娵娵修說素與驂鳳四先生字森然開吾師晚力追
之來蘇齋詩境鷗波館是一是二何煩猜何處仙人吹玉
笛高密新安見顏色此卽經義非書禪尉律學僮弟子職
紛紛陝刻訛丹陽補圖乃得萬朝岡笑比川原釋禹貢舊
說攷正程大昌廣州遺憾沛南補靈境誰知得所主如此
快事躡蹊閒使節何人堪共語弟子題詩當叩薤谷園著
錄詒春明齋百卷研摩日時方馬名經附記百卷何啻默生存黃
庭

題頌詩堂稿卽送周肖濂觀察川南

尋樂草堂今在否先世曾師清獻公堂名爲清獻公所題誦芬述德

歷五葉書生投筆言從戎使君從戎經衛藏磨盾晚就郎
陽東執云書記僅文采上相所倚惟樸忠蠻花犵鳥參吟
笳黔山楚水鞍馬中授簡不作上林賦影纓終謁明光宮
我遲抗手快披意詩社遊跡如蜚蛩步屨不辭衝泥飲露
坐共剪樵花紅新詩數卷讀數過擊節豈必誇雕蟲紀人
紀事有特見輜軒如采知民風固知家學有遺緒胷次不
與常人同人生仕宦孰稱意能行已意天無功機楮藏江
舊夢落何處寓宅還憶樓名榕幾日遲發錦江擢五年雪
印春明鴻于蜀有綠譏果中爲民造福報必豐旅懷次且
有骭慙要尋真樂爲消融我學陸學多愧色友朋可畏耳

剡聰補外亦思習吏事君其導我勤鄙簡

題辨香居士集卽酬其見贈之作用心餘先生會分
宜嚴秀才韻

千里束裝一車致驢腰長物惟書史下榻南衙半載留識
君庚戌今丁巳舊雨剪燭西窗宜聯裾異地喜可知公堂
朋試士如鯽握管伸紙人爭窺憶君姑孰濡毫時艷艷朝
霞卷中見當年已識然明面敢誇何武過王褒鳩江佳士
惟君善學海淵源誰探得笑我十年仍守墨強懷弱念入
復出望見古人兩塵隔昨把君詩吟復吟自顧翻類寒蟬
鳴如何寵語屢矜借令我汗背令人驚相契苦遲相識早

把臂吟壇歆盟好祝君彩筆去干霄他年同向長安衛

題碧香居詩卷

藏園初握手意氣兩年少京國再班荆霜顏倚夕照寓公
未訪碧香居次君話舊明聖湖回頭四十年中事傳家治
譜應成書一卷遺詩重手澤集外詩猶少年格因詩讀盡
意收藏我有龍眠好山色廬山曾爲余作龍眠傳經圖

題綏庭小集

潘芝軒前輩第三子名

素絲耐寂寞海桐寄高情

皆集中句意

三復塤篴唱和句使人

友予之心悠然生省中取次閒紅葯退直趨庭有至樂爲

語春明諸少年莫負暇日閒陳編

鮑覺翁以丙戌三月十九日撤瑟至戊子是日爲再
期矣玉田舍人招全白小山少空章蘭臺觀察蔣
月川駕部鮑善之即中國南太守設齋于龍爪槐
之蒹葭閣出所藏覺翁詩卷屬題

蒹葭閣高涵空青自公去後不忍登爲公設齋撤瑟日曹
君此義吾服膺海棠已謝丁香老梵唄聲中香篆寫黃海
遙憐宰樹春詩魂何處吟龍爪舊稿收藏數十番再期展
讀淚同彈惆悵身如露薤句

公見和詩中句雲車鶴駕渺難攀

和吳淵穎題舜舉張麗華侍女汲井圖

照梁日炙香塵細結綺晨粧起猶未珠簾隔斷轆轤聲井

梧誰洒傷春淚卷衣小隊詎知名髻學凌雲綰未成當時
照影徘徊處不信鬢髮此內傾三尺嬰兒橋下語渡江無
檝誰迎汝入井難乘海上桴滂疑地肺通牛渚家屬長安
絡繹催侍女何人却並來若溪故宅泉空湧獨足還居都
水臺

徐芷軒

濤

以其尊人閱齋所藏王達心太守畫扇題

杜陵賣書籍廬陵錄金石過眼雲烟一例看百年同此浮
休宅閱齋先生得此畫乃自舊友瞿花農得者畫者化去
俱已久哲嗣什襲藏之巾笥中物得其所斯可貴當其得
時誇韻事不獨瀟湘洞庭在眼前博取良友詩歌亦復三

千字我携權盡遊漢江文沈仇董益一箱貨船東下或恃
此杜陵老翁神暗傷及身聚散悠悠者先澤所存器不假
楹書能讀盡能守對君清淚如鉛瀉

有以子昂畫索題者不知其畫所本其人方就州吏
目牒乃爲題轉韻長句一首

牛車推挽向何處函關西出無家具前迎尊者演三車雲
髻何人來散花曰僊曰佛姑舍是子昂墨妙存歛識留痕
如傳廉吏心試向時苗傳裏尋

題戴篋圃太僕納履遺照

人生何處無圯橋老人不遇誰鋤驕少年讀史慕折節詎

肯辟穀希松喬跬步循循登禁闥再世勲名耀九列從知
曳履上星辰折最不能能結襪

題張芥航同年願遊第一圖

我昔姑孰趨庭年曾泊錢塘江上船凍雲未索梅花笑湖
山入夢空娟娟蹉跎十載違初願相如更值遊梁倦一棹
初從自下迴南屏北屏眼中見韜光竹影青濛濛潮痕一
線空明中便欲結鄰伴老衲飽餐湖淥披天風仕宦悠悠
就京國軟紅塵裏鬢白喜居懷抱與我同願借雲烟養
心魄匡廬晴瀑天都虹君當何日支吟筇羅浮風雨峨眉
雪我亦夢遊持絳節臥遊一圖先落手緣結名山次第有

爲霖才調泰山雲開花井里蓮峰藕我亦思爲五岳遊西
湖惜未窮其幽何當驂鸞駕翠虬逋仙坡仙爲羊求與子
先盟湖上鷗

題芥航同年願遊第二圖

我昔南泛彭蠡湖仰與五老相招呼聞先歸宗未能一登
眺但覺飛瀑雲際吹落千明珠我昔肩輿廬山北夜火明
山度山脊東林寺內讀殘碑三笑溪邊踏危石勝情未結
鄉山緣臥遊妙蹟緣亦慳雲樹蒼茫忽落紙羨君有願同
林泉禹功萬世歌明德治江次第無遺跡南登廬山望九
江龍門此意人鮮識傳疑何處敷淺原三條四列言或刪

君今且治北條水駐節東近金鄉山昨者河漫陳登堰今
歲糧艘困吳舩任艱責重在南河他日功名知未免男兒
自愛讀書身先機何以答
楓宸願君收却遊山句勉
作東南保障人

題匡廬識面圖應胡雛君屬

匡山奇秀甲西吳峰峰倒浸宮亭湖雲蒸嵐透一瀕洞青
天橫湧于珊瑚我生江右真迂儒怪綠不放豪氣舒茫
布襪走吳越雖亦放浪山水區紅泉碧澗阻登眺况攀五
老尋香爐舍近永遠一笑詫等采荆璞遺積珠前年入洛
初首塗路循山背行驅車達摩面壁有應相不辨顏頰連

髭鬚石梁飛瀑落夢想翹首張空嗟吁今年放棹春雨
餘澄波澹澹帆徐徐柁樓引領縱遐矚客與不應忘朝鋪
雲氣乍出山忽壓山勢一斷雲全鋪不知翳蜀度岩岫但
覺嵐翠浮空虛平居三識匡君面快意似此奇觀無目窮
神思忽惆恍徑欲絕頂詠榛蕪開先歸宗足宴坐簞床茶
灶招其徒惟夫子道足唱予昨者見我顏敷腴夙昔師門
共家法三日浙水聯裳裾自從捧君匡廬圖經年不報心
煩紆作詩急謫述所願君可來讀匡君書他時此約毋忘
諸

題馮晉魚夢遊弇山圖

弇山故非吳會山巖陽弟子名其園蘭若隙地闢勝境遂
有樓閣輝孱顏羅浮風雨聯坤軸朱明洞本通勾曲異地
生材不並時雋賞傾心夢亦足蝶耶周耶無是非前身後
身理亦齊人記平生畧成誦蠟屐且與寧烟霏圍以山名
奇在水東弇西弇金波裏不知曾聽櫓歌無千古月輪常
似此我昔三爲間門遊弇山遺趾不可求昨讀集中自懺
語恨不把卷同校讐平生心折歸熙甫緣慳未泛虞山舫
笑我難尋畏壘亭羨君曾到芙蓉渚

題朱野雲祭硯圖

區區一硯爾古今百家恒賴之或草露布或寫勅雕板刻

石或以傳來茲枚臬相如賈董韓歐有著作次及李杜顏
柳道子王維皆倚筆一枝以石磨墨墨磨人錢刀縱缺石
則常相隨自從門左之塾携以去升朝入山畢世各各自
護持酬功報本創以祭亦沿賈島祭詩例吾友野雲磊落
人硯田肯負筆耕意今孰韓歐孰李杜枚臬相如不足數
治經媿比賈山疎經世恐成荆國誤平生所志雖無涯無
成敢向端溪誇龍種已到三十九日惟石友供騰挈此時
著錄忙兩手團團但見陽烏走身後誰知百歲名生前且
飲千杯酒野雲寫生得神似物態人情工位置半年一別
及端午贈我一圖鍾進士進士有硯夫如何定應寶貴藏

山阿魑顏蹙，獨不卿相鬼。則知已隨攜，呵我與進士神交。
久懸之中堂，成二醜。不負我硯，但願如鍾馗。入後世畫，猶
得知誰某。報嘉聊借題圖詩，寄語觀者休笑嗤。平生本無
感遇意，與子各勵傳世思。

題五客話舊圖

慎齋圖馬城南園蛟門記作王戊年廿年五客重語舊相
公。感此情拳拳香鱗蟠空落翠雨，鳳葉離離接簷宇。平泉
風月復何如？相業他年知並數。我讀午亭記事詩，觴詠曾
爲王黃麋。感舊乃有早衰語，禹生此幅猶前時。如何翰墨
流傳處，卷尾獨軼自題句。不識拈毫據案時，說史論文底。

深悟我輩亦復居城南隄遊愧說聯駢駢百年耆舊思榮
接不獨漁洋與健庵

題護碑圖爲錢梅溪泳作

阿翁不逐中原鹿令子正朔奉天福家法難於漢竇融後
嗣繼膺趙家祿尉佗帝制空爾爲繼結猶煩陸賈辭漢高
應羨宋執祖史稱錢俶朝京師玉皇山下一抔土天福八
年立碑處想見當時守境心完聚生靈待真主二千餘年
風雨深居民猶禁樵蘇侵廿九代孫重護惜擬構一亭高
十尋此碑先於表忠觀我未見圖已三歎作記倘覓髯翁
才我燕東坡香一瓣

爲楊米入

瑛和

司馬題觀津祈雨舊圖

高臺接雲雲忽生赤日方午聞雷霆綠章焚罷雨立沛使
君誠感農夫誠睽睽萬目爭相向爲民請命民能忘使君
五馬今朝天十年令尹從超遷一語願君思在莒誠求心
事記當年

題徐晴圃學士從軍圖

馬頭哭兀青何處胡桃瓢裏揚鞭去

秦俗呼終南山爲胡桃瓢

旗外天

光低接山雲中松影橫遮路鳳階西去更陰平澗雪崖水
躍馬行青歸林薄鳥聲樂紅照髑髏花氣腥半載身經幾
千里賊是驚麇兵附蟻僕射人言似父兄參軍自信耽書

貞參軍家世重津門通籍頭銜寫勅尊心切同仇愬

敵懷身緣讀禮更從軍樞廷職本同樞密勘河讞獄皆持

節從官選偶今專征不是尋常銜命出

國家凡有使事軍機大臣

例帶軍機章京爲從官我朝聲教馳寰瀛稽誅白賊翻弄兵不聞

仇甫逢王式漫思寔季遇升卿參軍意氣雲霄上文武孫
况垂威望匆匆賓主惜先歸饒歌不與他年唱辛苦戎行
寫舊吾林深箐密路盤紆只今薇省影纓坐太華終南入
夢無

邊城挿柳圖

駝背高高行且止使君騎入黃沙裏沙氣昏昏黃入天邊

城不識春光妍紅柳萬行渠數百斷續頽霞映水色認取
領年撫字心春風能無驚能吟南雁飛飛度馬首悟來鴻
爪悲何有一樣攀條慰別懷送君不賦離亭柳

黃秋圃潼關三入圖

秋圃江南來別我西安去日射潼關四扇開仙鳧飛入前
遊路宦海關心紀見聞戰場草木盡迴春田疇預乞豐年
雨只有蓮花峰上雲一年一度民俗異廿年閱歷難爲吏
銷得黃山抱鄰心使君肯負重來意我兄捧檄到邊州頗
聞勤職興民謠村循有術能相勉莫忘題書寄驛郵

靈州

家仲
兄官

題孫平叔岩疆錫羨圖爲吳荷屋中丞馬寄

閩南環海爲岩疆重山複嶺中包藏因民習俗施柔剛誰
愬百務持其綱錫山宮保才莫當上承天眷恩逾常

謂汝馭民善弛張壽宇錫羨湛露灑宸翰親揮遙

寄將古佛色相何嚴莊如意申訓追琢章副以文綺

光輝煌錫侯蕃庶侯其康乞假省覲有仲郎親捧

珍賜來南方南陔笙奏聲煌煌國恩家慶庸尋常我

時賓坐神飛揚卅年託契蘭蕙纒勲名今見石友償鴻爪
况復相頡頏閩南宋士賢於唐海濱曾稱鄒魯鄉奈何昔
美今銷亡吏多苦衆民披猖公每念此神慨慷謂如何乃

思斯臧公吏害馬民飲羊庶幾復見常歐陽我愧目迷古
戰場三年輶傳徒輝光珊枝難得蘭難香七年空盼生豫
章今當遠別行治裝與公促膝傾衷腸公雖偶疾神不傷
行占不葯身康強此 恩能稱荅我 皇他年聯步

趁丹閣臯夔

盛世傳廣輿

題顧渚茶天山策騎圖

蒲類海必濟山伊吾廬境認昨夢畫中鴻爪人生還鳳池
重入君恩厚鈴索西清一同首雪花豈必鬢痕無藥階且
喜詩懷有前年風雪憶關河南屏山色故鄉多何當收拾
題山興更與朝雲畫翠娥

臺灣運糧圖爲曹嵐樵侍御大父雲耕兵脩芝田作

督餉者誰環慶守吳淞江入大洋口行至鼓山與岸山

二山名山界水中如兩岸因名之

讀畫如逢黃子久航海入望無津涯烟

景得此殊堪誇昨過舟山尙怛目詎知霽色來迎槎定海

縣界有門戶南宋張公

世傑

開府處題詩若尙說文山可許

摩崖讀題句關帝礁與普陀巖白粲連艘鷁首銜佛力神

力壓風力能護使者無驚帆葡萄嶼畔聽琴筑鳳凰山外

聞歸牧南盤渙裏定驚魂迴首前遊多眼福使者自記藏

晏楹補畫因知述祖情西陲陸運新甄叙喜見天山已息

兵

江南桃李圖應照齋座主屬

我朝文敎盛儒術江南才士尤挺出說經家述鄭公箋
裁詩人艷江郎筆菰蘆寒夢秋風高擷秀誰援連茹茅得
逢知已脫泥滓乃如跼萼生春條我師懷抱卿月明我師
談笑春風生散材賤子愧蘇軾永叔却許千秋名昨歲星
輶持玉節拭目同門聚英哲江南况是舊經過前輩風流
我能說五經紛綸并大春不害曾稱意聖人錢廬袁趙各
著作桐城夫子尤絕倫鍾山雲影落窗翠當年負笈從遊
地柏石曾傳韓子詩羸糧肯負南窗意擊節高歌草木花
其人若存誰援鶉用才不廢文章見學道寧孤志業身半

載棲遲倦行役還家重作遊樂客望中雲接石頭青
草猶書帶碧半生學業巾箱中北來果過歐陽公已欣珀
芥精神合更喜苔岑氣誼同秋實春華兩俱有都入我師
扶植手參苓自許意原真桃李盈門遇寧偶人材磊落無
時無况當盛世歌唐虞懸知推溯淵源者當作真靈位業
圖

小農以錢松壺同年杜南池雅集圖屬題

于湖太白樓屹立臨午渚下祀虞雍公先君所葺宇趨庭
有雅集觴詠洽賓主一識汾陽一退敵每對江山輒懷古
昔我官京師友人示我詩中有浣花草堂作令我夢想蜀

中山水竒平生探幽攬勝不知倦獨恨未得蠟屐遊峨眉
任城高樓耀東魯云是李杜二子聯吟所名氏寂寥寄水
雲冠蓋時時聚樽俎而我未嘗遊詩興空飛動披圖忽見
之與蜀同入夢蕭生粉壁圖滄州燕湖太白樓下有蕭尺
木所畫山水在粉壁
松壺乃是蕭生儔使君他日重觴詠妙蹟應煩顧虎頭

鍾溪約遊萬柳堂卽拈花寺朱野雲爲圖將以寄芸
臺前輩也

睥睨橫闌春煙碧天壇東去銅街直野馬車輪低復高綠
姹紅嬌渾未識蒲牢懸空黯樂乳架木倚垣納寺宇罨畫
招客與拈花白穗垂垂蔭交戶柳星隔歲醉未醒青眼不

盼詩人請

美初野雲揮柳星日種柳

夢中碧波斷空影戰雨新荷誰記

省益都相公呼不起何處人間廉孟子魁三星象綴孤亭

篆香氣接星街紫春遊展作羽觴客豪翰寫寄文章伯我

與仲容陰遺跡香泉有記搨蟬翼

先君爲大通橋監督時曾搨陳香泉所書橋記

刻碑

題曾霽峰刺史公餘課讀圖

去年見君課讀圖喜君作吏才有餘訟庭花落文讌罷兒
能角藝孫讀書君坐聽之神愉愉今年得君書一紙言將
拂衣歸故里高堂聞之色雖喜吾念吾民如赤子一旦失
乳將何恃君昔宰會昌能施春煦兼秋霜猾民散法爲鴟

張聚羣不逞博且酺標立名目民如狂抗君條約箠吏卒
自棖迎君君幾傷君怒謂此安可常盡收縛之置諸理民
乃夜市無飲羊從此賢聲日相屬旋調赤緊擢州牧君顧
循循服儒服左圖右史奏琴筑民夏得清冬得煥迺知慈
惠非武健政自因時判溫肅人生讀書將何爲儒術豈果
今難施如君落落布天下治效自可徵封圻揚清激濁大
吏責曷不熟籌指臂揮一邑一州一賢者大吏坐嘯良所
宜我昔與君偕得第一別廿年再把臂鄉心方喜陰慈雲
詩懷忽訝招叢桂蘭陔自是戀春暉粉榆何術留棠憩且
可題詩付少坡

君次卽元海宇

方便緘書付僊吏遙想歸舟逐釣

輪圖書萬卷壓鐵勾絲。有兒方待漏慢亭。還傲武夷君。
紉箴課讀圖爲蔣香杜同年作

明月一丸燈一檠。屋角熒熒出斗柄。碧梧陰裏讀書聲。母
未中年兒髻鬢絲。哀辛勤具束脩歸來課讀餘功收兒能
筆耕母無憂兒到中年母白頭。尺木齋中都講席賢王邸
內能詩客故鄉帝里擅聲華。持慙高堂無愧色我家亦有
雙梧桐。虛堂蕭爽來涼風。十年依舅學經訓師友淵源志
畧同。舅氏魯山木先生嘗以用光文字就正于彭尺木先生宅相敢誇魏舒貴羊曇

已洒西州淚一從弱冠溯童時。那堪重憶丸熊味同是慈
闈。受業人九齡失恃空悲辛。束芻不遂登堂願我更披圖

一 愴神

陶雲汀同年取熊相國聚奎堂楹聯語爲杏林日暖

行卷子屬題

深川相公學宋學朝右聲名動寥廓百廿年前舊典型
有淵源溯伊洛粉鄉後進到春闈種杏心情感舊題請與
宋儒論宗派關閩而外有濂溪濂溪名在湘南重墓田却
受西江供題襟同與仰前徽莫負宦游臺館共

題臨江小閣圖

臨江小築幽棲閣寓公暇日圖自作我未登閣先披圖江
草江花好林壑寓公作吏才不羈煙雲吐納成瑰奇請書

破浪乘風志衍作靈羅補星辭寓公昔日宰吾縣愛士登
民知所先不肯驚魚使水渾但期集泮和鶚變寓公此日
江干居禺筭牢盆手校除陶朱才氣傳三策度尙聲名滿
八厨早歲狂歌拓金戟中年噩夢迴沙磧誰識浮家泛宅
身揀災恤患心如昔嘉慶庚午四月中漢臯三日吹融風
火鴉衝屋星光紅拉枯摧朽飛火龍三日人聲沸不止男
啼女哭尸填委大吏觀之色盡死政所不及誰料理餽餉
萬个糜萬盆蘆蓆千片竹千根先事待招未死魂徐福曜
旗卓小幡飢者凍者咸來奔翌日霖雨免露處乃使鳩形
鵠面蘆中人不啻萬間廣廈藏其身理繁治劇小試耳辦

賑辦災皆似此俠腸到處護蒼黎古歡夙昔探書史桃花
夫人土一坏梅子山下令人愁荒烟蔓草蔽洞口空餘好
事來搜求石榴花塢表婦孝瀟湘湖祠報神庥寓公卜創
山下寺面勢待作湖邊樓一一表章苦未暇酒闌晤語猶
悲咤昔年左計負深心此日豪情足聲價人生知己苦難
逢了緣祖師誠則通灰盤昨書文一幅所欲語者與我同
黃雀樓頭一枝笛蓼花洲畔臨江宅銷受雲煙供養緣拈
毫自可迴春色善刀而藏公所諳閣中彌勒況同龕部民
亦有青山約來往東湖我尙堪

棗花書屋課讀圖爲王卜崖侍御題

卜崖丈人古質行悲其世父永題詩我未見盡且讀記握
筆屢輟心嗟咨平生最倚叔父愛前年撤瑟今再葺槐陰
書屋別三載鄉雲入夢風淒淒知公合眼到鄉國有淚亦
墮棗花時人生家庭得知已何羨掇科如摘髭仕進聊慰
撫孤意伯氏此志黃墟知賤子九齡亦失恃我翁復出官
京師弱冠趨庭歷吳洛每歸惟叔勤訓辭我翁投紱歸幾
載白髮一慟綠墳篋銅槃賜食我所痛遺經藏笥公所悲
槐花墜黃棗花白枝葉覆庭陰十圍同滯薄宦憶嘉樹憐
公至老情不衰公當晚歲尙追憶叔父送我臨河湄十日
得報意驚愕詎意此別長乖離古人期服輒去官自顧出

處顏忸怩作詩遲報非懶情因緣深痛纏心脾比類感物
忽成夢空館一槐花尙垂

題梁芷鄰種瑤草畫扇

瑤梁不能望穎粟石田諒可事豐年琪花瓊蕊何處覓與
祝三秀呼耕煙羣玉山頭墮香雨灌溉心苗開藝圃四子
全爲講德來揮豪共訂苔岑譜我愧年如高達夫余今年五十
學詩功未收桑榆草堂名忽悟前兆余少時讀書別業名翺如草堂主客
圖憑話寶蘇

楊介坪同年

懌曾

屬題其從弟渭西別墅圖

介坪與我同登第情好不殊弟與昆散帙有得聊相報幅

巾無事常到門
西別墅羣從築
碧雲千里鄉思
存襟衣
挂月煙忽歛
茶塢留客花初
繁曉影入簾山
潑翠夜聲鳴
艇波生紋池塘
幾載足詩夢京
國何處尋巢痕
我昔驅車
向宛洛惜未款
戶窺邱園披圖
徑思去看竹兔
句且與當
傾樽君家先世
盛文獻萬卷百
年傳子孫竹垞
秋泉共酬
唱秦碑漢瓦今
討論生晚每恨
前輩遠誼合惟
期古處敦
卽今我輩數晨
夕要歸樸學窮
淵源安知此卷
流傳去後
起猶能證所聞

題項漪南同年 補 秋江歸棹圖

江光倒影生紅樹
秋色離離峭帆去
隔岸人家半罨師
煙

中隱約收漁具畫情何處認江鄉客思渾憐倚夕陽鷗沙
雁渚來時路我夢因君別後長

飛深如龍下雲巘廬山盡處孤帆轉歸雁一行低復高茅
屋臨江相近遠秋懷落落且孤征我意知君澹不爭作圖
特改尋常例自寫歸思贈友生

題夏原芳之勲江千折柳圖

我到漢南春已暮晴川重覓題襟處天留春色寫江光閨
花閨柳春無數我居客中恒掩屏枝頭三請煩黃鸝習靜
過夏有日課不箋草木慚陸機人生是處踏鴻雪秋柳成
行愁欲折題畫還君過十年雖非掌故亦因緣

題富海驛舉杯邀月圖

與君相見

帝城裏高閣吟秋暮雲紫隔城明月分清
光不能投輅留公矣與公引蒲節署東銅荷照影搖玉蟲
雪意沈沈凝夜色纖阿整轡控在空人生聚散何飄忽西
子湖頭仍話別後夜相思夢見公寒香定放孤山月

題趙菊言少寇石城送別圖

欲去不得去江介飢鴻挽公住置臣入告

帝曰俞忍

使嬰孩啼失哺壺漿樽俎石頭城此是還朝話別處望來
遂却來龜山蘋山旌旆開潮頭迴合飛上忽直下公乃擁
濕危坐身不回萬目睽睽仰使節盼公詩謨遠猶一奠東

南災與公話別邦江上春雪初消江上漲得公馳札來秣陵武林春晚初聞鶯三年離緒重握手巖光竹徑拉公走話到祥刑意惻然爲言山左頻廻首春明比屋聯壺觴若是青楊與白楊鴻泥忽向杭州印奇字偏難載酒問日來眠食更何如小極清齋只看書余亦扃門餘十日文殊難訊維摩疾欲留此圖爲別質

煦齋夫子屬題消寒雅集圖卷子卽依卷中用東坡

聚星堂雪韻

瓊花飛空玉雕葉夢禪補寫年前雪書意詩情得重看鵬詠風流歎清絕六子題襟韻續拈一夕開筵聖教折文

綠隨教思深無盡燈知光不滅梅影初廻檀暈生鐘聲乍
轉銅條掣自鳴鐘以銅爲繩綴輪以轉者爲銅條留賓那問斗橫空映月初
疑窓綴綴平生幽贊佩韋弦况幸清談聆玉屑商量千載
得從容撥置萬事任飄瞥歐蘇見地倘能參人世浮榮安
足說門生何處說傳衣請學立身如立鍊

題春波洗硯圖寄星谿都督

周君寄一札爲言徐總戎彙寫題圖詩屬我與之同圖中
豪翰多吾友說忠說孝不離口說禮敦詩儒將風我未見
圖思握手君昔刲股事重闈不使人知人自知范喬泣硯
有至性乃由文學諳兵機君作臺陽領符節清談坐鎮鯨

觀穴海氣橫侵絕島雲墨痕澹酒當船月娥江轉權又之
江隨身一硯自携將想見臨流閒駐馬靜看山色寫湖光
我從閩嶠來小隊杭州住火急題詩走訪君待與林逋同
覓句

朱野雲以去冬携兩兒與姚亮甫太常小飲花下作

展重陽圖冊索題

人言主勝蘇明允我聞客慕楊無為

陳小雲題此圖用歐陽公集老泉齋中故

事謂野雲勝明允云云慕楊無為之登太華亮甫爲太常時自題句今果擢提刑秦中

吉譚隔年果

外擢幽興入講閒索詩畫意詩情原一貫詩廊妙語發童

野雲齋壁多粘投贈之作其仲子大樹曰是可名之曰詩廊相公園亦有詩蹤命名鑿

空吟懷見冬心澹岩話秋心展重陽盡一沈吟他日留傳
爲守器此樂正須兒童尋

題蔣丹林光祿釣遊圖

紅點碧痕破水面啜花魚幾個碧搖紅影無釣竿擲水波
跳珠餌懸絲魚上手獨立看兒嬉橋外風吹柳紫禁滄洲
此日情江鄉白髮夢初醒明光祿署多竹有紫禁滄洲之額能作嬰兒蘧
伯玉人間世合悟莊生

題李海帆海上釣鼇圖

磻谿之釣不敢託嚴陵之釣非所師平生意氣直鉤在得
鼇如得鯢鯢鮪海天漠漠無住着高處知君能立脚異苦

自笑亦同岑鐵網珊瑚日夕心

題吳素傳

培洙

杏花春雨小照

江漢合流處寓公久成家峭帆回首渡揚子春雨聲中別
杏花萬頃黃山雲二分揚州月并入九真山下心畫所不
到興超忽平生好義能陳財與人煦煦登春臺庭前滿種
宜男草王樹行看次第開

姚春木遊蘇門山作圖紀事寄書屬題

蘇門名以徵君著講學遺風歷屆顧雲間有客適中州特
向百泉謁遊屨噴空雪練鳴煙霏惜我未得登翠微泉甘
山峻入夢想拂燈踐約知何時

題張梅坪刺史春源靜樂圖

鷄蟲得失蠻觸鬪靜者觀之一笑休爲人解紛吾乃樂此
君胸次能天遊我未識君且題照翁鮑二老言無尤湘南
使者亦吾黨采風曾與勤諮諏翁風西太常題小序言靜樂之理甚精鮑雙五前輩詩言其活千百人事那春浦學使詩言其論湘南風俗所言皆驗

題瞻園敬業圖爲卷山同年廣滋祖方伯蘭作

官身歸去重橫經睢州風誼師漢京夏峰不作文正死蘇
門山色千載青戟門行馬中山第身教猶能先子弟蒼顏
白髮坐春風寫圖記取當年事瞻園園址傍鍾山帶草門
庭我昔攀余受業於姚師居鍾山書院半年未能重續擔簦夢空對花磚

一汗顏

題張仙槎泛槎圖

平生五岳未遊一名山入夢空雲烟青鞋布襪適其適
君徧結區中綠雪磴嵐梯幾兩屐是處洪厓肩許拍遊罷
揮毫寫洞天山水影形互主客昨來贈我天台圖空翠如
欲侵衣裾張之素壁日相對前遊因憶西子湖君家近攝
山我家近麻源紅泉碧澗緣何慳最高峰前我曾到恨無
妙墨摹荆闕君畫旣工福尤厚目謀心謀無不有蒼顏綠
髮天涯走行復扁舟落君手我但坐臥太乙蓮爲君一賦
泛槎篇

題歸艤穩渡圖

比舍耶國轉餉行蟒甲渡以十二更歸來島嶼入昨夢

光天色搖空青小琉球志昔年讀朱筠國先生作婆婆洋詩頃寓

目平叔制府近詩持節因甯觀海心采風待著星軺錄

題松陰補讀圖

松風謾謾天籟鳴綠陰如水詩懷清平生萬卷常擁坐遙

夜讀書猶短檠湖月湖雲迎望眼白蘇遊處話班管老我

空餘補讀心鄉雲夢接香鱗館香鱗館余家塾扁之一

題江亭煙雨圖餞別子白同年以過江名士如花瘦

分韻得過字

春色入離心荒亭留晚坐盡中何處認祁連驅車煙外愁

君過

聖朝課最重邊材才子從官有詩課懸蒲循績

奏鳴琴誦詩達政理則那不負

皇家賜服恩

舊制凡

入觀者賜蟒袍一襲見會典

從教朋好持杯賀寒雨依稀到午停暮霞

隱約攬雲和話舊憑消酒百壺題袂恰聯人七个我惜春

明抗手遯寧甘祖帳拈毫悞詩成我夢忽邠州

家明亭兄官寧州

仁民有術誰爲佐憑君爲語季方兄但守平生毋自惰

菜根軒讀書圖

面窗菜甲一畦綠把卷時聞風露香平生勵志借圖畫故園幽夢安能忘法護僧彌雨不俗別思殷勤留尺幅軟紅

塵裏宰官身蕭蕭憑寄天涯目知君家法接前修婉我不
及胡康侯望衡寓舍同杜曲比鄰風義追羊求世緣偶爾
落鴻爪詩懷摠覺江鄉好我有家傳一畝宮竹蒼石瘦餘
芳草

吾家書舍額
日石竹山房

應顧南雅屬題竹趣圖

弟祝兄高年築室顏以蒲石居兄念弟久別徵詩代徵竹
趣圖鸞尾脩脩接天碧坐對此君成莫逆阿兄泛宅今移
居作書爲報好顏色

南雅近將
移居橫街

九節菖蒲開蒲池釀酒待

兄杖鄉時

題甘大令拜梅圖

暗香冷浸溪水碧月影橫斜好標格誰與梅花作主人神
君夢繞溪邊宅中州東閣開南衙眼明喜見故鄉花不綠
同好與持贈翠禽只戀師雄家

拜石但聞具袍笏拜梅忽喜成畫圖前身後身雍邱長平
生幽興知不孤爲政風流今似此修到梅花人有幾他年
鼎鼐司和羹作記更煩蕭穎士

題聽松圖

萬壽寺中雙白龍僵立空際招長風遊人聯臂佛無語濕
影攙雲飛翠雨平生山水勞夢魂蠟屐京國偕誰論匡廬
瀑布金山月忽向招提話吳越湘南佳處未嘗遊不知可

有宏景樓楊生携紙來索句種樹何人得松趣記我所遊
因作詩寒濤颯颯風中吹閨月正值伏雨時

題許萊山湘月沙槎圖

月清宜山亦宜水何況湘江清似此使節登山有定程安
能坐月如山僧不若扁舟弄清快牙籤排處魚龍拜江波
海鏡磨空青靜中天樂來湘靈浩歌坐擁書生影此福仙
福境僊境珊瑚網平生亦有綠玉尺獨尙慳三年余未嘗得
事詩成寫寄南齋客春浦謂福定知對月能相憶

爲人題圖

亭蘿仙子鸞駟下吳門從此春無價滿月成規扇影迴篆

雲入座鑪煙借十斛明珠不浪投稱意終須第一流平分
此意牽帷去會有人材備訪求

寄題譚子受美人送別圖

欲行不行一杯酒陌頭捧出繡纖手征馬初嘶塞北風王
孫欲折江南柳柳色青青覆大堤煙綿碧草春雲低如此
風光作遠別空聞忍聽流鶯啼郎行千里復萬里郎身雖
遠心仍邇妾夢花朝復雪朝妾身不化心難消翠娥日日
鏡中生樓頭愁絕粧初成壯遊事大風情小題橋心重畫
眉輕如斯好色真男子不愧周南召南旨一縷柔情寄碧
雲千番別恨題紅紙祇今侍養南陔側讀書不作倦遊色

朝詠白華上北堂夕倚翠鬟吹鉄笛故人天外心爲何
詩如見舊時情雪泥鴻影一朝聚染衣吉夢行可徵熏香
料理早朝客試聽明年珂馬聲

童萼君同年

槐

屬題其尊甫甬川君竹石居畫圖爲

君所補作

讀書不治生餘力猶讓財睦嫻任卹困弗顧彼障簾者何
人哉竹虛心石守璞苟非其人風義敦圖取煙轡亦虛託
君不見甬川先生曷並無令子述志題補畫

題白秋齋都督遺像

高冠長劍偉丈夫豐頤方額清雙瞋獨立微笑手捋鬚恂

太乙舟詩集

卷四

恂儒將風神殊平生所寶一紙書格鬥手筆逾璫璵我昔
題之歎且吁謂此師弟今人無家傳遺像誰所摹展觀起
敬立座隅天清日朗風疎疎仙官何處驅雲車公祀金山
亦有圖揚州去思兵民俱公功不獨誅萑苻抹火鑿水買
薪芻民所便安公與趨民所愁苦公與驅作令作守誰許
謨能不愧此軍門乎惜哉畫手窮工夫但能山水爲縈紆
於公意念所剔梳無從染筆爲發摠我生後公卅載餘未
能抗手談兵符褒鄂韓范天人徒並世豪俊先我徂墨綠
幸借文史娛陶然色喜龍賓呼此筆勝書何易于

謝芷灣爲題舊園圖

曠懷登高唱觸手生雲霞春明門內論詩格難見亦似舊
蒲花碧雞金馬請公去十丈紅塵攔不住辭家泛宅索米
人忍向花前誦新句猶能作草非怒怒塵事難屏詩却工
懷抱真有古人風

王鶴丹與余相見於秣陵未弱冠也今同居京師乃
以其所買子卿畫一幅還余因題一詩謝鶴丹僉

東子卿

鳩江弭楫題襟處道院秋花開幾樹十年夢醒江南路畫
中山色清如此作畫者誰子卿子詩人有夢惟桑梓顧厨
神物飛復還還畫王筠亦惘然道別鍾陵已十年

放歌行應客索書

三秀誰獨采石體誰能知盧敖與若士自有雲中期我生
性癖異俗尙瓊想霞思寄孤賞塵寰謫墮幾千年夢中空
識黃金榜清晨有客金臺來手持一卷雲錦開玉堂僊人
作仙字落筆鸞鳳爭徘徊左挹浮邱袖右拍洪崖肩倘非
君身有仙骨安能身到三十六洞天日與鶴駕諸君相周
旋持此亦足傲塵世壓倒論衡枕中秘胡爲驅車來洛陽
索我更綴紙尾字應君我旣慚辭君我不能展卷忽生宿
昔感竟磨隄糜書谿籊憶昨洪都去射策劉君許君我相
識藏園置酒秋風高酒龍詩虎人中豪劉侯一飲三百杯

玉山不顧風前頰，厥後許君復握手。一曲高歌折楊柳，玉
簫金管照鏐筵。此樂千年應不朽，目今二君俱已登蓬瀛。
鈞天日聽箛韶鳴，老我低顏困塵土。短檠燈照寒窗清，題
罷更祝管城子。他日還君禁直裏，一向虞廷賡喜起。

題方雪齋稿金謝贈畫

舒空浩月澄清輝，銀雲櫛櫛元雲肥。林稍有風吹我衣，亭
亭樹影森周圍。清氣入座善者機，此境與我心相依。誰其
下筆能庶幾，繪空落紙成煙霏。江州太守紹前徽，樸學有
文明。秋暉慕而不見我，願違吾鄉五馬驂。駢駢賤子適已
來，京畿矯首徒望鄉。雲飛行轅不獲窺，旌旗京師船山名。

所歸揚州餞南人交譏二君時文近世稀各倚狂態遊塵
鞅君懷納善識探微與之交好無是非我陋但守經生幃
袖詩屢詣船山扉邦江橫舟傍苔磯就王君談勤求祈雖
矜寸璧護一璣究鮮所得腹自誹不若君才十手揮餐風
吸露香醪一編落手療我飢三月坐誦爲咀噉空藹沈
沈動華屋幽泉憂憂鳴寒玉佳處平生夢遊熟得君詩卷
豁我目恍如置我康王谷晶簾百道挂飛瀑筆能造境開
尺幅意所蓄境遇諸矚作者快作讀快讀君精繪事善林
麓麓臺石谷交轡逐尺絹貽我拜君辱我意縹緲神淵穆
卽詩卽畫日三復陡覺洗却塵千斛君畫裝以錦一軸君

尚刻簾爲著錄還而無鴟復不速跋以七言誌心腹君如
不責懶且俗呈詩日日就君塾讀詩讀書我願足坐聽松
風來謾謾

以所藏萬綱岡

上進

梅花乞王定九前輩

鼎

易韓城

師所書宋名臣言行橫幅

韓城夫子峻風節立朝乃似宋廣平應人求書不造次偶
然落筆皆典型以字作花身作幹比公於梅全一清沙堤
築馬氣突兀蕙尾迴磔神晶瑩晚出門下惜未請欲寶遺
墨無溪簾翰林羣從藏一幅我昨見之眼增明巧偷豪奪
夫何敢以石易馬東坡曾從來書畫同一理皆於胸次窺

嵯峨魏公沂公公代興觀所著錄知性情憶從朝士誦軼
事稜稜鍛骨真孤撐得書得畫皆有悟嗜好彼此非渭涇
後夜我家虹貫屋今夕君夢通仙憑以有易無各卷送百
年佳話傳蓬瀛敬援成例詩代柬知君不作王晉卿

題王子卿同年古香精舍看花懷人卷子卽索其爲

鍾山傳經圖

圓照寺前老梅樹當年寫照懷人處此是從遊憶本師不
比尋常梁月句燕臺有雪無梅花隔年鄉夢空煙霞補局
却得本師作玉堂韻事人爭誇我向于湖初艤櫂尙未識
君好風調但記靈山會上來拈花曾向牟尼笑

予庚戌往金陵謁姬

傳夫子辛亥年歸舟過十載京朝廢蓋簪廿年離緒懷江

燕湖時尙未知子卿也

南驛使雖能託芳訊爭如彌勒嘗同龕

子卿往與黃左田同寓宅異書

曾讀人曾見不分流年如激箭立雪能酬負笈心辨香肯

負傳經願昨歲重爲白下行于湖弭楫聽春鶯歸朝文譙

幾聯席南遊與話鄭康成新春花事剛燕九我亦懷人君

信否爲馬鍾山一片雲拜嘉敬請同年友

題畫留別芝庭將軍

巍樓傑閣參差起何處園林乃似此山影遙連柳外青波
痕平蘸苔邊紫將軍愛客有儒風曲譙時時與我同公榮
入座人皆喜北海開樽酒不空荔支一樹臨荷沼鹿麝花

畦亭畔繞每上坡陀縱遠眸北嶺千山青未了三年纓蕙
與紉蘭無那離懷造次間相思欲覓夢中路拂幘如看畫
裏山

題玉湖仙棹舁送葉芸潭同年由浙入閩學使之任
一枝玉尺人爭持得之意外君尤奇七品頭銜擁僊棹君
更詩筆窮清妙白蘋洲畔使節過舊遊到處吟懷多書生
結念豈衣錦報國每在歌書我閩士從來盛儒術李蔡
遺風存百一海疆禮樂遍宗風聽取弦歌到出日與君同
舉同登朝詩酒遇從頻招要作人敦厚不纖媚詩格乃稱
君丰標兩家交誼卅年久重以親串情尤厚我與君兄話

我兄知君同話東華酒澄澄寒玉瀉菱湖驛使梅花寄得
無駱駝橋下新詩就索稿儂知向大蘇

題左杏江輔蜀江歸棹曷卽送之皖

左侯遊蜀時前於我家阿咸逾十年

杏江與家希曾同舉進士携

阿咸

持節向邛夔侯亦飛鳥潛霍間霍邱居民走相告吾邑有
侯邑無盜幾載思君未識君致書却自金陵道金陵江口
駐征橈隔江仙雲如可招還朝却共阿咸語江上離懷夢
未消昨聞徒御到京國走往訪君喜倒極苦恨題襟會太
疎酒畔驪歌留不得君詩奇於濯錦江君政可繼乖崖張
宦績在皖遊在蜀險阻艱難都飽嘗巫峽參天水湍怒啼

猿聲裏客來去一棹歸舟百丈牽喜到江山平遠處此時
君尚困春官十載旋成捧檄歡誰知滿腹經綸願宦海仍
歎蜀道難海內詩人十識九政事如君却罕有卽論蜀士
溯淵雲我道文名君更久士才要爲知己伸况今復職承
恩綸彈琴好趁生花手爲霖借勵簪毫人一第聯名
偶然耳翰墨因緣不在此題詩寄與阿咸看望渠河東一
繼尾

又題蜀江歸棹圖

我欲乘輅隨吳子

謂王松

巫峽着影肩輿雙吳留西川作杜

甫我舟却出新安江一江上下分源委寄書便煩江上鯉

與君吟遍黃山雲西川亦夢我與君我輩俗情皆韻事
此一言爲券致

題畫送鄧嶰筠同年

小艇劃波出浦溆長松倚石臨坡陀不知我夢與君夢此
影彷彿江鄉多遠山一角春雲在雙旌行處蓮峯對讀畫
如生憶遠心觚稜更在泰雲外

題江城視膳圖送墨卿太守之南河任

走昔訪師時半載金陵住大好溪山願卜居
耦輿有約盟

鷗鷺

余昔與姬傳先生有買宅金陵之約

十年來往謝公墩清夢時時到白

門一旦扁舟落君手陔蘭先我奉晨昏我翁七十好顏色

濟勝猶能事登陟君家丈人古處敦若見我翁定莫逆一
官空索金門米祿養如君媿遊子偶然鴻爪認煙蘿化作
慈烏渡江水君居法曹有仁聲君官粵東以廉稱養志要
在各稱職宣防奏績君其行君愛吾鄉好巖壑結鄰亦有
姑山約鄉閭優薄異前時年來我道江南樂何當買屋板
橋東醺酒肥羜甘而豐我師我翁偕若翁三老遊屐時過
從君歌伐木吾能同便須高詠隨園句六代江山兩寓公

題鵲華攬勝園送何仙槎典試山東

鵲華迎我南來日植髻如螺相對出璚琤之玉四照花想
見漁洋興超忽君攜玉尺下星軺倘有仙靈降節朝瑣院

解裝醉明月院外月光連七橋什勝田何渺何許傳經自
晉誇齊魯異士從看珊網收詩懷與作名山主孫生才筆
君所傾巧將離思傳丹青惜我不爲杜子美偕汝飛觥座
下亭